

Minister Michelle Hooyboer-Winklaar Un parti primordial di nos cultura a bay laga nos

Pesey ta importante pa mantene su legado
bibo den nos chikitonan



e ceremonia Edjean Semeleer a canta e himno di Boneiro cu ta duna reconocimiento na esun cu a composita, skirbi y aregla e himno, cu ta e defunto Lio Booi. Gobernador interino Ella Tromp-Yarazaray a dirigi su mes den un forma masha emocionan na e famia y esunnan presente. "Den e palabranan di nos Gobernador Interino mi ta haya e mensahe pa tur famia aki na Aruba. Legacia ta wordo pasa di chikito si nos tuma esaki como nos responsabilidad. Ta e muchanan ta esunnan cu lo mantene nos cultura bibo y ta atraves di nan cu esunnan grandi cu ta bay lo keda bibo

pa semper", asina Minister Michelle Hooyboer-Winklaar a splica. "Gobernador a trece e storia di su nieta di 6 aña cu ta reconoce mesora e trabao di e difunto y tabatin asina tanto gana di dune un man prome cu el a fayece. Pa mi ta un honor di por ta awe akinan pa duna sosten na e famia di un gran autor y poeta, pintor, orador y declamado, pero mas cu tur cos un persona cu a sa di carga cultura di Aruba den su curason y a traha den diferente proyectonan y comisionnan pa duna realse na esaki", asina e mandatario a enfatisa. "Nos a duna respet na celebracion awe

di su bida, den un luga apropiada pa e ocasion aki, esta Cas di Cultura. Lio Booi a bay sosega, pero e lo sigui biba pa semper den cultura di Aruba. Cu Dios tume den su reino y laga cada un di nos pasa su legacia pa esunnan cu ta mas chikito cu nos", Minister Michelle Hooyboer-Winklaar a termina bisando cu hopi emocion.

Sigur cu Aruba a perde un baluarte riba tereno cultural, co-autor di nos Himno Nacional "Aruba Dushi Tera" autor di hopi trabao literario, teatro, poesia y publicacionan, su palabranan y storia lo perdura pa semper.

ORANJESTAD (AAN): A perde un gran baluarte di cultura den fayecimento di 'E Flamingo Arubano', esta Huberto Obdulio Booi, na edad di 95 aña, conoci y stima pa hopi como Hubert/Lio Booi. Na bida ex director di Instituto di Cultura Aruba y autor di e ultimo couplet di nos himno Aruba nos dushi Tera.

Durante un ceremonia protocolar teni como tributo na Cas di Cultura, Minister Michelle Hooyboer-Winklaar den su capacidad di Minister Interino di Cultura, debi cu Minister Otmar Oduber ta den exterior, a duna acto di presencia pa condoleer e 5 yuinan cu e ta laga atras y demas famia presente. Durante